

274
55
QVÆSTIO MEDICA,

CARDINALITIIS DISPUTATIONIBVS

MANE DISCVTIENDA, IN SCHOLIS

Medicorum, Die Iouis, xxii. Martij,

M. ROBERTO PATIN.

DOCTORE MEDICO, MODERATORE.

An Senibus Vinum parcius, dilutius?

QVOTIDIANO corporis defectui, qui naturalis quidem, at certè grauis est morbus, veriùs quædam mortis prolixitas, non aliter mederi potest homo, quàm si potus cibique adminiculo sariat quidquid illius succo continenter decedit. Videre autem & in omni vita meditatum habere debet, vt id tantùm adhibeat, quo vires reficiantur, non opprimantur: nempe vt sanitatis mater est abstinentia, sic intemperantia malorum omnium Lerna est: Vir frugi omnibusque vitæ partibus moderatus rectè omnia facit: potu etenim pastuque parciorè vigent membra omnia, viget & sui compos erectusque animus, immoderato fartum distentumque corpus mentem obstupefacit, suas ei sordes allinit, obstruètaque virtutis & sapientiæ semitâ, ad sublimiorum rerum contemplationem non finit assurgere. Neque verò satis est nihil prorsus vltra modum atque necessitatem attingere, nisi hoc ipsum quod ingeritur, suauissimum sit, & idem facillimum ad concoquendum.

VITÆ melioris custos & optima procuratrix frugalitas multos funditus secūdæ valetudinis bonis euertit, quod

eorum quæ restrictè assumebant , pestiferis viribus haudquam intellectis, insitam sibi à natura temperiem inculpatam sensim pessimæ commutarint. Quomodo enim citiùs atteritur lima quæ ferrum radit arroditque durissimum; ita naturalem illum calorem, cui conficiendi alimenti partes à natura datæ sunt, tum maximè frangi diminuique necesse est, cùm agrè omnino suum absoluit pensum; ipsæque interim vniuersi corporis partes hoc promptiùs appellentis succi peregrinas induunt qualitates, quò is contumacior, minusque coctionis patiens fuerit. Porro dispar est vitalis ille calor non solum in disparis, verum etiam in similis temperamenti, sexus, & ætatis hominibus. Oris nondum cibis firmi infantibus nihil præter geminum potandi liquoris lactei fontem Natura aperuit; quidquid frustra Ars adijcit, malè cedit. Secus se res habet in adultæ, florentis, constantisque ætatis hominibus, ad quorum luculentiores velut caminum penè nullum non coquitur, vincitur, domaturque etiam valentius alimentum, calore haud amplius, vt in puerulis, vbertate circumfusi humoris hebescente; senes quos iam destituit calor, velut ad vitæ carecrès reuocati infantium more tractandi sunt mollius, quòque propius absunt vt eorum natura morte dissoluatur, hoc paucioribus, coctûq; facilioribus alimentis est sustinenda, ne velut ligna quem pascunt ignem largiùs congesta suffocant, nimio aut indomito succo obruantur, qui extingui debebat sua sponte, nullaque adhibita vi consumptus igniculus.

VINVM quod succus est è maturis vuis expressus, quamquam sit è potulentorum familia, iure tamen & in eorum quæ nutriunt numerum potest adscribi: alit enim, sed malignè: quantòque facilius est potu quàm cibo impleri; tantò celerius infusum corpori vires inánicas effundit: argumento sunt halitus, ructusque fœtidi, sitis, iniquies nocturna, furiales somni, tremulæ manus, & quæ hoc fonte deriuata morborum alias hominem grauis solet affligere. Vinum album si & gener-

rosolum, multis nominibus est infensum; nigrum, ceu dulce ob-
struit: rubrum citius in sanguinem abire qui predicant, ridiculi,
ac totius Naturæ ignari. Merum nemini non remis velisque fu-
giendum, & quemadmodum fere fert humanarum status re-
rum, quod nobilius, hoc nocentius: ab hoc frequens cum
vix aliquando profit vinum, sapissime noceat, iis qui sua sine
corporis viribus sustinere nequeunt opera, ipsisque grande nihil
nisi motâ mente loquuturis Poëtis relinquere: ceteros, ceu vult.
Ille, Reges, quibus ingenij munus, non laterum lacertorumque
tuendum est, eo carere præstaret. Staphylius tamen si audias,
poterit eius esse aliquis usus, sed rarior & parcior. Minore pro-
fecto impendio & labore, at maiore valetudinis commodo;
saluberrimum ubiuis obuiæ & ante nos genitæ aquæ liquorem
cæterarum more animantium quisque ad potum adhiberet,
nisi magna pars hominum, dum se non capit, voluptuarij po-
tus dulcedine perinde caperetur, ac si non aliud sit vitæ præ-
mium. Hac tessera suum sibi conciliat atque demereretur hospiti-
tem hostis infestissimus, si quando vim manifestam non affe-
rat, clam certè iugulum petiturus.

Næ ille mentis aciem auerterat, ab ea, quam profitebatur sapien-
tia, qui putavit vinum munus esse pulcherrimum mortalibus à
Deo Immortali tributum. Tardum scilicet dictu plura homini creet
bona, an mala? Est quidem hoc ornatum privilegio, ut spirituosâ quâ
pollet substantiâ iacentes, dissipatasque vires suscitet colligatque prom-
ptissimè. At non tanti illud est, ut cætera quibus corpus animumque
malè mulctat incommoda, hoc, quod etiam ad nos aliunde venit, be-
neficio redimantur. Nempe inani acceptum ventriculo, magno eius
damno ac tormento feruet, æstuat, immaniusque debacchatur: ipsos au-
tem ubi nactum est cibos, statim pessundat & corrumpit, ac si quando
crudos & inquinatos non deijcit in ventrem magis subinde corrupen-
dos, turbas mouet, sursum effert; eijcit, effunditque omnia: ut eo one-
rati non magis cibum contineant, quàm arcanum. An & propterea sui
odium parit Veritas, quod sit Vini filia? planè id plusquam Circeum
poculum sit oportet, quod largiusculè haustum, vel Socraté momento
queat in Orestem vertere, quod viscera ipsa distendit, calê facit, siccet,
urit, inflammat; sanguinem, corpus, mentemque furiat, docet libidinem,

cuius inſtitores exactoresque ſunt oculi, vitia omnia aut incendit, aut detegit, obſtantiemque flagitiolis conatibus verecundiam remouet. Quid quodd Vini auaritatē auget ipſa bibendi conſuetudo; meliorique extincta indole, haud ſecus ac terra ſemper madila ſpinas, lolium, ranaſque educat; facit ſomnolentos, ſocordes, ſtultos, oſcitantes, obliuiosque nulliusque frugis homines, qui ad honeſtatis & ſapientia lumen mentis oculos non magis aperiant, quam ad Solis radios, qui ex diuturno morbo conualeſcunt.

TOTA igitur errant via, qui vinum Senibus perinde atque lactu pueris accommodatum eſſe cenſent; longè aliter Medicorum ſententia: ſiue enim aliquid priſtini roboris conſeruare; ſiue officij munus tueri ac exequi; ſiue præſtare conſilio, quo res magnæ geruntur; ſiue authoritate quæ ſenectutis apex eſt; ſiue denique, vt ætate antecellit, ita & ſententiæ principatum tenere cupiat Senex, vino debet vti diutiſſimo ac pauciſſimo, vel ſi quid vult rectius, nullo. Equidem ſemouenda interdum triſtis ſobrietas, extrahendus aliquando in exultationem liber animus; & quo pacto amarioreſ Lupini, vbi maduere, dulceſcunt; ſic ſenum qui penè ſtomachantur omnia, aſperitas, & curæ, vino, cui inde Liberi nomen, nonnunquam diluendæ. At ne in grande ventriculi detrimentum inteſtinalis oriatur, ne iam concuſſa vitæ fundamenta quatiantur, quæque tum maxime clauum tenere debet ratio, ſua ſede vel minimum moueatur, quod quiſque eſt aduſtior ſenio, hoc vini, rei omnium coctû diſſicillimæ, magis ſubducendus, in dieſque minucendus eſt vſus: extremamque demum ætatem agentibus vna ad potum obijcienda muſſa, vel aqua decocta. Hoc vnum potionis genus & ſiccum vegetumque corpus, & tolerabilem omniſque delirationis expertem facit ſenectutem, non ſubito frangendam, ſed ipſam diuturnitate extinguendam: Senio quippe, velut in ægris ex morbo, quia languet calor, nimij caloris vinum ſuperare cum nequeat, ſtatim aceſcit, augetque crudos ſuccos, quorum multitudine, reliquas vitalis illius calor ſiſ quo Vita continebatur, ſcintillulas ſuffocari neceſſe eſt.

Ergo Senibus Vinum parcius, dilutius.

Proponēbat Lutetiæ FRANCISCVS GOVEL Pariſinus,
A. R. S. H. M. DC. LVII.

Proſtant Exemplaria apud NICOLAVM BOISSET, Typographum, in
vico Diui Ioannis Bellouacenſis, è regione Collegij, ad inſigne
Cordis Vulnerati. M. DC. LVII.

*cette ſſe en la 1071. du ſiècle VII
in ſiècle des ſſes de la ſſe.*